

KOMISIJA ZA PRIPREMANJE PRIJEDLOGA ZA IZBOR U NAUČNONASTAVNO ZVANJE VIŠI
ASISTENT/ICA ZA PREDMETE NAUČNE OBLASTI KOMPARATIVNO PRAVO

Broj: 01-348/22
Datum: 02.03. 2022 god.

Sarajevo, 02. 03. 2022. godine

NASTAVNO-NAUČNOM VIJEĆU PRAVNOG FAKULTETA UNIVERZITETA U SARAJEVU

*predmet: Izvještaj Komisije za pripremanje prijedloga za izbor u naučnonastavno zvanje viši
asistent/ica na naučnoj oblasti Komparativno pravo*

Podaci o objavljenom konkursu i formiranju komisije

a) Univerzitet u Sarajevu- Pravni fakultet, na osnovu usvojenog dinamičkog plana potreba za raspisivanjem konkursa za izbor u zvanja u akademskoj 2021/2022 godini, raspisao je konkurs za izbor/napredovanje jednog saradnika/ice u zvanju višeg asistenta/ice na predmetima naučne oblasti Komparativno pravo. Konkurs je objavljen u dnevnom listu „Oslobođenje“ i web stranicama Univerziteta u Sarajevu (dalje: UNSA) i UNSA - Pravnog fakulteta dana 06. 01. 2022.godine. U ostavljenom roku za podnošenje prijava na konkurs (15 dana od dana objavljivanja) prijavio se jedan kandidat za izbor u zvanje višeg asistenta/ice.

b) Nastavno - naučno vijeće Pravnog fakulteta Univerziteta u Sarajevu je na svojoj XI sjednici održanoj 09. 02. 2022. godine na osnovu člana 106.st.(3) Zakona o visokom obrazovanju (dalje: ZVO) donijelo Odluku o imenovanju Komisije za pripremanje prijedloga za izbor jednog saradnika/ice zvanju višeg asistenta/ice na predmetima naučne oblasti Komparativno pravo (dalje: Komisija) u sastavu:

- 1) prof. dr. Fikret Karčić, redovni professor Univerziteta u Sarajevu – Pravnog fakulteta, predsjednik
- 2) prof. dr. Tomislav Borić, redovni professor na Karl Franzens Univerzitetu u Grazu, član
- 3) prof. dr. Enes Durmišević, redovni professor Univerziteta u Sarajevu – Pravnog fakulteta, član
- 4) prof. dr. Samir Aličić, vanredni professor Pravnog fakulteta Univerziteta u Istočnom Sarajevu, član
- 5) doc. dr. Ehlimana Memišević, docentica na Univerzitetu u Sarajevu – Pravnom fakultetu, član

c) Na osnovu Odluke o imenovanju Komisije za pripremanje prijedloga za izbor broj: 01-175-1/22 od 09. 02. 2022. godine, zadatak Komisije je da podnese pisani Izvještaj sa prijedlogom Nastavno- naučnom vijeću Univerziteta u Sarajevu- Pravnog fakulteta u Sarajevu u skladu sa tekstom raspisanog konkursa u roku od 45 dana od isteka roka za podnošenje prijava na konkurs.

d) Nakon što je razmotrila prijavu i priloženu dokumentaciju prijavljenog kandidata Komisija u skladu sa čl.106 - 108 Zakona o visokom obrazovanju Kantona Sarajevo („Sl.novine Kantona

Sarajevo, br.33/17, 35/20, 49/20 i 39/21- dalje: ZVO) i člana 205. Statuta Univerziteta u Sarajevu iz 2018 (dalje: Statut) podnosi slijedeći

IZVJEŠTAJ

1.Prijava kandidata

Na osnovu pisane potvrde sekretarice UNSA - Pravnog fakulteta broj 01-175-2/22 od 10. 02. 2022. Komisija konstatuje da se na konkurs za izbor/napredovanje jednog saradnika/ice u zvanju višeg asistenta/ice na predmetima naučne oblasti prijavio jedan kandidat i to:

Tahir Herenda, MA iur.

Prijava na konkurs je zavedena pod brojem 01-107/22 od 21. 01. 2022. godine na protokolu UNSA-Pravnog fakulteta. Kandidat je uz prijavu dostavio/ila slijedeću dokumentaciju:1) diplomu o stečenoj akademskoj tituli i stručnom zvanju Bakalaureat prava i dodatak diplomi o o stečenoj akademskoj tituli i stručnom zvanju Bakalaureat prava; 2) ovjerenu kopiju posebnog priznanja „Zlatna značka“ Univerziteta u Sarajevu br. 27/16 od. 05. 11. 2016.; 3) diplomu o stečenoj akademskoj tituli i zvanju magistar prava i dodatak diplomi o stečenoj akademskoj tituli i stručnom zvanju magistar prava; 4) ovjerenu kopiju posebnog priznanja „Zlatna značka“ Univerziteta u Sarajevu br. 20/19 od. 01. 12. 2018.; 5) diplomu o stečenoj akademskoj tituli i zvanju „Masters of Laws in Comparative Constitutional Law“ i transkript ocjena/dodatak diplomi ; 6) potvrdu Univerziteta u Sarajevu-Pravnog fakulteta, br. 01-58/22 od 12. januara 2022.; 7) potvrdu Univerziteta u Sarajevu-Pravnog fakulteta, br. 01-58-1/22 od 20. januara 2022.; 8)Excursus: obrazloženje o ispunjavanju zakonskih uslova za izbor u zvanje višeg asistenta; 9) izvod iz matične knjige rođenih; 10) uvjerenje o državljanstvu; 11) biografiju; 12) listu objavljenih naučnih i drugih radova; 13) sertifikat o pohađanju TRAIN-a; 14) uvjerenje o prepisu ocjena na trećem ciklusu studija Univerziteta u Sarajevu-Pravnog fakulteta; 15) odluke Nastavno-naučnog vijeća Fakulteta o realizaciji nastave za akademske: 2018/19, 2020/21 i 2021/22; 16) odluke o imenovanju u komisije Fakulteta

Prijava kandidata Tahira Herende je blagovremena i potpuna, te je Komisija u skladu sa zakonskim i statutarnim odredbama vrednovala ispunjenost uvjeta za izbor u zvanje višeg asistenta /ice za naučnu oblast Komparativno pravo.

2.Biografski podaci, obrazovanje, stečena zvanja, zaposlenje

Tahir Herenda rođen je 20. 12. 1993. Prvi ciklus studija završava 2016. na Univerzitetu u Sarajevu-Pravnom fakultetu. Drugi ciklus studija okončava 2018. na Univerzitetu u Sarajevu-Pravnom fakultetu., a master studij iz komparativnog ustavnog prava završava 2020. na Centralnom Evropskom Univerzitetu u Mađarskoj. Doktorski studij na Univerzitetu u Sarajevu-Pravnom fakultetu upisuje 2018.

Radio je u pravnom odjelu KPMG TAX&ADVISORY kompanije, te pravnom odjelu BOSNA BANK INTERNATIONAL D. D. SARAJEVO.

U skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18 zaključenim 04. 05. 2018. godine između Službe za zapošljavanje Kantona Sarajevo i Univerziteta u Sarajevu, pored općih zakonskih uvjeta, kandidati su trebali da se nalaze u evidenciji nezaposlenih Službe za zapošljavanje Kantona Sarajevo te da prednost pri odabiru kandidata imaju dobitnici priznanja Univerziteta u Sarajevu: Zlatna, Srebrna značka, Povelja Univerziteta. Kandidat je u postupku prijema u radni odnos ostvario najviše bodova, imao je priznanje „Zlatna značka“ za uspjeh na I ciklusu studija, te je zasnovao/la radni odnos na period od 4 godine.

3. Ocjena ispunjenosti uvjeta kandidata za izbor u naučnonastavno zvanje viši asistent/ica

Ispunjenost uvjeta za izbor kandidata/kinje u naučnonastavno zvanje viši asistent/ica procjenjivana je prema odredbama: čl. 96.st.(1) i čl. 180.st. (15) ZVO čl. 194. st.(1) tač. b) i čl. 219; Statuta i čl. 20 Zakona o naučnoistraživačkoj djelatnosti („Sl.novine Kantona Sarajevo“,broj 26/16)

3.1. Stepen drugog ciklusa studija sa najnižom prosječnom ocjenom i na prvom i na drugom ciklusu studija 8 ili 3,5

Na osnovu diplome o završetku prvog i drugog ciklusa studija kandidat Tahir Herenda je ostvario prosječnu ocjenu 9, 58 na prvom i 9, 60 na II ciklusu studija. Za ostvareni uspjeh na oba ciklusa studija, kandidat je dobio posebno priznanje „Zlatna značka“ Univerziteta u Sarajevu (2016) i (2018). Osim toga, kandidat je završio i master studij iz komparativnog ustavnog prava 2020. na Centralnom Evropskom Univerzitetu u Mađarskoj, položio sve ispite na trećem ciklusu studija na Univerzitetu u Sarajevu-Pravnom fakultetu sa prosječnom ocjenom 9,78, te objavio 8 naučnih i stručnih radova, prikaza i izvještaja.

3.2. Proveden period u zvanju asistenta

Na osnovu potvrde UNSA-Pravnog fakulteta broj: 01-58-1/22 od 20. 01. 2022. godine, Komisija konstatuje da je kandidat proveo jedan izborni period sa statusom (pravima i obavezama) asistenta iako je prijem u radni odnos vezan za zvanje stručnog saradnika. Konkretnije, cijeli izborni period kandidat u okviru 40 satne radne sedmice je obavljao saradničke poslove vezane za: a) organiziranje i izvođenje vježbi i drugih praktičnih oblika nastave prvog ciklusa studija pod nadzorom odgovornog nastavnika na nastavnim predmetima naučne oblasti Komparativno pravo b) pomaganje odgovornom nastavniku u organizaciji i izvođenju nastave, semestralnih provjera znanja i ispita na obaveznim i izbornim

predmetima naučne oblasti Komparativno pravo, c) vođenje evidencije vezane za praćenje i rad studenata, d) konsultacije i drugi oblici rada sa studentima, e) objavljivanje rezultata istraživanja u naučnim i stručnim publikacijama, f) rad u stručnim komisijama Fakulteta i Univerziteta, g) sudjelovanje u organizaciji naučnih, stručnih i drugih skupova, h) sudjelovanje u stručnim poslovima Fakulteta, te druge povjerene poslove

Na osnovu obavljanja saradničkih poslova u periodu 2018 -2022 godina, ostvarenih prava kao i pozitivno ocjenjenog izvršavanja svih obaveza na radu i u vezi s radom u okviru djelatnosti UNSA- Pravnog fakulteta, Komisija konstatuje da je vremenski period proveden u zvanju stručnog saradnika/ice u konkretnom slučaju ekvivalentan uvjetu vezanom za vremenski period proveden u zvanju asistenta u skladu sa čl. : čl. 96.st.(1) ZVO i 194. st.(1) tač. b) Statuta.

3.3. Naučne, stručne i druge aktivnosti

Kandidat Tahir Herenda završio je II ciklusa studija kandidat na Univerzitetu u Sarajevu-Pravnom fakultetu sa prosječnom ocjenom. Za ostvareni uspjeh dokom II ciklusa studija dobio je posebno priznanje „Zlatna značka“ Univerziteta u Sarajevu 2018. godine. Osim toga, kandidat je završio i master studij iz komparativnog ustavnog prava 2020. na Centralnom Evropskom Univerzitetu u Mađarskoj (diplomirao sa zaslugama), položio sve ispite na trećem ciklusu studija na Univerzitetu u Sarajevu-Pravnom fakultetu sa prosječnom ocjenom 9,78, te objavio 8 naučnih i stručnih radova, prikaza i izvještaja.

Pohađao je program TRAIN (Trainign and Research for Academic Newcomers) kao posebni program Univerziteta u Sarajevu. Predvodio je i obučavao Price Media Law Moot Court Competition takmičenje 2020. i 2021., državno takmičenje u krivičnom postupku za koja je dobio i posebna priznanja zbog osvojenog trećeg, odnosno prvog mjesta tima. Učestvovao je u mnogim projektima kao što su organizacija ljetne škole „Sloboda vjeroispovijesti u Evropi“ u julu 2016., Škola medijskog prava u organizaciji OSCE i Pravnog fakulteta Univerziteta u Sarajevu, „Sudbina sarajevskih vakufa“ i „Zemaljski kontinuitet BiH“ te „Pandemija COVID-19 i pravni sistem Bosne i Hercegovine“ i dr. projekata u organizaciji Pravnog fakulteta Univerziteta u Sarajevu. Boravio je na Institutu za uporedno javno pravo i međunarodno pravo Max Planck te bio predavač ili predvodnik tima na nizu seminara, obuka i treninga.

Zaključna ocjena i prijedlog Komisije

Na konkurs za izbor jednog saradnika /ice u zvanju višeg asistenta/ice na predmetima naučne oblasti Komparativno pravo na studijskim programima UNSA- Pravnog fakulteta , objavljenom u dnevnom listu „Oslobođenje“ od 06.01.2022 godine i internet stranicama Fakulteta i Univerziteta, prijavio se jedan kandidat – Tahir Herenda, MA iur.

1. Na osnovu izloženih činjenica u ovom Izvještaju, Komisija jednoglasno procjenjuje da Tahir Hereda poseduje stručne, naučno-istraživačke i pedagoške karakteristike te da ispunjava sve tražene uvjete za izbor u nastavnonaučno zvanje viši asistent/ica za predmete naučne oblasti Komparativno pravo na studijskim programima Pravnog fakulteta u Sarajevu u skladu sa zakonskim i statutarnim odredbama.

Konkretnije, Tahir Herenda je:

1.1. završio drugi ciklus studija (300ECTS bodova) na Univerzitetu u Sarajevu-Pravnom fakultetu sa prosječnom ocjenom i na prvom i na drugom ciklusu studija koja iznosi 9, 60. Završio i master studij iz komparativnog ustavnog prava na Centralnom Evropskom Univerzitetu u Mađarskoj, sa zaslugama.

1.2. u svojstvu saradnika na UNSA- Pravnom fakultetu izvodio je nastavu, konsultacije i ispite na obaveznim i izbornim predmetima naučne oblasti Komparativno pravo u periodu 2018/2022;

1.3. kao autor objavila je 8 radova koji po svom sadržaju te vrsti i strukturi publikacija u kojima su objavljeni odgovaraju Zakonom i Statutom utvrđenim uvjetima za naučno-istraživački rad;

1.4. bio je učesnik u naučno-istraživačkom projekatima u kojim su sudjelovali i domaći i međunarodni stručnjaci

1.5. sudjelovao je na više međunarodnih i domaćih skupova sa izlaganjima/referatima, te učestvovao u obuci timova studenata na nekoliko takmičenja u kojima su ostvarili značajne rezultate i dobili posebna priznanja

Prijedlog:

Na osnovu prethodno navedenog, Komisija predlaže da se kandidat Tahir Herenda izabere u naučnonastavno zvanje višeg asistenta/ice za naučnu oblast Komparativno pravo.

Komisija

Prof. dr. Fikret Karčić



Prof. dr. Tomislav Borić

prof. dr. Enes Durmišević



Prof. dr. Samir Aličić

Doc. dr. Ehlimana Memišević

